

# Destinu

Ti seguitemu sempre in tutt'i lochi  
Tù chi d'a vita fai nasce i fochi  
Quelli chi danu u piacè di l'eternu  
O chi brusgianu in fondu à l'infernu  
Destinu

Ci porti trà ghjorni è anni passati  
Cume e foglie purtate da u ventu  
E ind'e noi sumeni u spaventu  
Fin'chi i nostri cori sian' affannati  
Destinu

Un ti cunniscimu ché tra u passatu  
Pezzu di vita ché tù ci ai datu  
Ma ùn ci hé manera di sapenne più  
Chi ciò chi ghjè dighjà fattu, chi ciò chi fù  
Destinu

A tè solu s'addirizzanu sti versi  
Pé fà chi l'omi un sianu più persi  
E ch'elli ti cantinu cume un innu  
Innu di a vita, innu di u destinu  
Destinu